

Te Papa Tākaro Hou

Ngā Whakamārama:

Kei te hangaia he papa tākaro hou ki tō kura. Koia nei ētahi o ngā āhuatanga o te papa tākaro:

- He tapawhā hāngai te āhua o te papa tākaro, 120m mā te 70m te rahi.
- He pāfifī (he karaehe rānei) tētahi wāhanga o te papa tākaro.
- He ngahere māori te haurua o te papa tākaro.
- He wāhi noho, he wāhi pikiniki tētahi wāhanga o te papa tākaro.
- He māra putiputi kei tētahi kokonga o te papa tākaro, he tapatoru te āhua.
- He wāhi anō hei whakatū i ngā taputapu tākaro, pērā i ngā tārere, ngā retireti me ngā anga piki.



Hei Mahi:

1. Āta whakaarohia tētahi hoahoa pai mō te papa tākaro me ōna wāhanga, ka tuhi ai i te hoahoa āwhata ki te pepa tukutuku.
2. Whiriwhiria te horahanga o te pāfifī (arā te karaehe) o tō papa tākaro.
3. Whiriwhiria te horahanga o te māra putiputi o tō papa tākaro.
4. Whiriwhiria te paenga o te māra putiputi.
5. Tuhia ngā taunga tukutuku o tētahi o ngā taputapu tākaro.
6. Whiriwhiria te tawhiti mai i tētahi o ngā taputapu tākaro ki waenganui pū o te ngahere.
7. Ka whakatakotoria he kiri rākau ki raro i ngā taputapu tākaro, kia kore ai ngā tamariki e whara, e mamae rānei, mēnā ka taka. E tika ana kia 30cm te hōhonu o te kiri rākau. Whiriwhiria te rōrahi o te kiri rākau e hiahiatia ana.